



Naalakkersuisoq for Fiskeri og Fangst Aqqaluaq B. Egede

Naalakkersuisoqarfik for Fiskeri og Fangst

Allaffeqarfik/Head Office:
Aqqusinersuaq 31, 1. Sal
P.O. Box 386
3900 Nuuk

Tlf.: +299 32 24 22
Fax: +299 32 57 15

Email: knapk@knapk.gl
Homepage: www.knapk.gl

Ulloq, 9. marts 2022
J.nr. 00.01.01

Aalisarneq pillugu Ataatsimiititaliarsuup isumaliutissiissutaanut inassuteqaataanullu oqaaseqaa- tit isummersuutillu.

KNAPK imaattunik Aalisarneq pillugu Ataatsimiititaliarsuup isumaliutissiissutaanut inassuteqa-
taanullu isumaqarlutillu isummersorput:

Nalinginnaasumik kattuffik isumaqarpoq Aalisarneq pillugu Ataatsimiititaliarsuaq suliakkiissutigine-
qartunut sanilliullugu suliamnik uniusimasoq, takuuk ilangngussaq A. Kattuffik taamaattumik suliat
tulliullugit allassimasut maqaasivai.

- Aalisakkanut allanut TAC-ip naammaginarnerpaamik aalajangerneqarnissaa? Akitsorterus-
seriaatsit? Pitsaaqutit/ajoqutit.
- Sinerissap qanittuani avataasiorlunilu raajarniarnermi killissarititaasup nalilersuiffigineqar-
nissaa. Titarerup somilit suanut inissinneqassava? Angallatit qanoq angitigisut aalisarsin-
naassappat? Pitsaaqutit/ajoqutit.
- Kalaallit Nunaata imartaata aqutsiveqarfinngorlugu immikkoortiterneqarnissaa. Aalisakkat
suunerit mianeralugit. Pitsaaqutit/ajoqutit.
- Aalisarnermi nakkutilliinerup nukittorsarneqarnissaa. Suna inatsimmi akuerisaava?
Teknologi nutaaq? Pineqaatissiisinnaanermut periarfissat? Ammasumik ingerlatsineq?
Nakkutilliisoqarfiup inisisimaffissaa?
- Raajarniarnermi pisassat annertussusaat. Toqqaannanngitsumik pisassanik peqarsinnaati-
taaneq. Pisassanik sunniuteqarluni inisisimanek. Aaqqiissutaasinnaasut assigiinngitsut
pitsaaqtai/ajoqtai.
- Aningaasalersuinermi pilersaarusiortarnermilu piffissarititaasoq? Najoqqutassat. Imminut
akilersinnaasumik ingerlatsineq, erniortitsineq aammalu aningaasaleeqqittariaqarneq.
- Nioqqutissiassanik pilersuineq patajaatsoq. Aalisakkerinermi suliffissaqartitsinermeri nikerar-
toqarpallaarnissaa pinngitsoortinniassallugu.
- Umiarsuit tunitsiviit. Pitsaaqutaat/ajoqutaat. Eqaatsumik aaqqissuuussineq, nikeriataarsin-
naaneq aammalu suliffissaqartitsiniarnermi mianerisassat.
- Pisassat tamakkiisumik nungunneqartarnerat aammalu aningaasatigut iluanaarutaasut an-
nertusarnissaat.

- Aalisariutitigut nalimmassaaneq aammalu kinguaariit tulliinut nikittarneq. Nammineq aningaaasalersuisarneq. Aningaasaliissutit pisariaqartinneqartut suminngaanniissappat? Aalisartut nutaat inuuusuttut aalisarnermut akulerussinnaanerannut periarfissat?
- Nalorninaalitinnik aningaasaliissuteqarsinnaanermut periarfissat. Soraarnerussutisiaqaler-nissamut aningaasaateqarfiiit imaluunniit allatut aningaasalersuisinnaasut?
- Aalisakkat nutaat atorluarnissaannut kajumissaatit. Aalisakkanik nutaanik misileraalluni aalisarnerup ikorfartornissaa.
- Pisassanut piginneqatigissutit atorunnaarsinnissaat. Ukiut atorunnaarsitsinissamut ilima-saaruteqarfiusut naapertuuttut.
- Aalisartut inuuusuttut inuuussutissarsiulernissaannut periarfissiineq. Inuuusuttut periarfissaasa siuarsarnissaat? Qanoq?
- Raajarniarneq – sinerissap qanittuani avataasiorlunilu aalisarnermi 50-50 atorlugu agguas-sisalerneq.
- Raajanut pisassat piffissalingaanngitsut atorunnaarsinnissaannik ilimasaaruteqarneq. Sivi-kinnerpaamik ukiut tallimat? Ikaarsaariarneq? Pitsaaqutit/ajoqutit.
- Aalisarnermi kalaallit aqumiut amerlanerulernissaat. Aaqqiissutaasinnaasoq. Pitsaaqutit/ajoqutit. Inatsisitigut iliuuserineqarsinnaasut? Piginnaanngorsaanikkut iliuuseqarneq?
- Nunatsinni nalituunngortitsinerup siuarsarnissaanut najoqqutassat aammalu akuersissutinik pisassanillu agguassisarnermi najoqqutarineqarsinnaasunik siunnesuusiornissaq. Nunap immikkoortuini nioqqutissiornermi periutsit?

Ataatsimiititaliarsuup suliaasa naammassinissaannut angusassat pillugit immikkoortortami siuliani anguniagassatut najoqqutassatullu allaaserineqartut mianeralugit sulisoqassasoq allassimavoq.

Kalaallit Nunaata aqutsiveqarfinnut aggulunneqarnissaa

Kalaallit Nunaat tamarmi aqutsiveqarfinnut agguataarneqartariaqarpoq, taamaasilluni peqassuseq aammalu uumassusilinnik siunnesuisarneq ingerlanneqarsinnaaniassamat pisassanik annertussu-siliinissaq siunertaralugu.

Aqutsiveqarfiiit imatut aggulunneqarsinnaapput:

- Qaanaaq
- Qimusseriarsuaq (pisassiissuteqarfiumngitsoq unammilleqatigiiffiusorlu kiisalu misileraalluni aalisarfiusoq)
- Upernivik (Nuussuaq aamma Kullorsuaq ilanngullugu)
- Uummannaq
- Ilulissat
- Qeqertarsuaq
- Qasigiannguit
- Aasiaat
- Kangaatsiaq
- Sisimiut
- Maniitsoq
- Nuuk
- Paamiut
- Narsaq

- Qaqortoq
- Nanortalik
- Kangiata kujataaniit Tasiilamut (pisassiissuteqarfiunngitsoq unammilleqatigiiffiusorlu kiisalu misileraalluni aalisarfiusoq)
- Tasiilaq
- Ittoqqortoormiit
- Nunap sinnera (pisassiissuteqarfiunngitsoq unammilleqatigiiffiusorlu kiisalu misileraalluni aalisarfiusoq)

Taamaasilluni aqutsiviit 19-it pilersinneqarnissaat siunnersutigineqarpoq. Aqutsiveqarfiit tamarmik pisassiissutinik aammalu aqutsivimmi maleruagassanik peqassapput, taakkulu sinerissap qanittuani aalisartut aalisarnernut allanut aammalu aalisarfiusunut appakaassinggaanerat pillugu sukumiinerusumik najoqqutassiortoqassaaq maleruagassaliortoqarlunilu.

Aalisarneq pillugu inatsisip nalilersorneqarnera nutarterneqarneralu

Aalisarneq pillugu inatsisip atuuttoq nutarterneqassaaq sinerissap qanittuani aalisarnermut iluaqu-taasunngorlugu, tassanilu sinaakkutit annertusarnissaat pisariaqartinneqarpoq, kisianni aamma atugassarinneqartut pitsangorsarneqarnissaat pisariaqarpoq, taamaasilluni sinerissap qanittuani aalisariutinik piorsasoqarlunilu nutarterisoqarsinnaaniassammat. Naatsumik oqaatigalugu sinerissap qanittuani aalisarnerit tamarmik iluanni sinaakkutissatut atugassarinneqartut pitsangorsarneqassapput.

Inatsisip atuutilerfissaatut 2024 tagginneqarpoq Aalisarnermut Piniarnermullu Naalakkersuisup Aqqaluaq B. Egedep nammineerluni tamanna eqqaanikuummagu annertunerpaamik akulerutsitsinissaq piareersarnissarlu siunertaralugu. Kattuffik tassunga isumaqataavoq, taamaattumik annertunerpaamik akulerutsitsinissaq oqaloqatigiinnerlu kissaatigineqarpoq.

Aalisarneq pillugu inatsisip nutarterneqarnissaa siunertaralugu sulinermi sapinngisamik annertunerpaamik oqaloqatigiinnermut akuutitsinissamullu siunertamut KNAPK ilassinnilluarpoq.

Titarnerup aalisarfiusup 12 sømilinut avammut nuutinnissa

Kattuffiit titarnerup aalisarfiusup 12 sømilinut avammut nikisinnissaa kissaatigaat. Tassuunakkut sinerissap qanittuani aalisarnermi atugassarinneqartut pisariaqartinneqartut qulakkeerneqassapput, taakkulu aalisarnerni tamani pisassat annertusineqarnerannik malitseqartinneqassaaq.

Titarneq aalisarfiusoq ullumikkut 3 sømilinik killeqarfekarpoq, taassumalu kingunerisaanik titarneq 9 sømilinik (16,67 km-inik) avammut nikisinneqassaaq, taamaasilluni 12 sømilinngorluni (22,22 km). Inatsisit assiginngitsorpassuit kalluarneqassapput, taamatut allanngortitsinerup kingunerisaanik.

Naalagaaffiit Peqatigiit Imaani inatsisitigut aalajangersagaani ulloq 16. november 1994-meersumi imartat 12 sømil tikillugu titarneqartarnerat siammasissumik tapersorsorneqarpoq. Aalajangersakkami ilaatigut allassimavoq: 'Naalagaaffik kinaluunniit imartap killeqarfiata titarnilerneqarnissaanut 12 sømil tikillugu aalajangersaasinnaavoq, matumani aalajangersakkami titarnernik toqqammaviusunik aalajangersakkat naapertorlugit'. Inuit pisinnaatitaaffii pillugit inatsisini tamanna aamma siviuumik akuerisaavoq.

Sinerissap qanittuani aalisarnerup nutarterneqarnissaanik pisariaqartitsineq

Ukiuni kingullerni amerlasuuni avataasiorluni aalisarnermi atugassarititaasut pitsaalluinnartut si-naakkutigitinneqarput, taakkulu akileraartarnikkut akitsuutitigullu iluaquusersorneqartarlutik. Taamaasilluni piginneqatigiiffisuit nioqqutissiassanik nunatsinniit annissuisarnerisigut salliutinneqartarput, taamaasilluni nunatta akitsuutitigut iluanaaruteqartarnikkullu isertitassaagaluaminik annaa-saqartarluni. Ingammik piginneqatigiiffiit iluminni akitigut iluanaaruteqartarnermut periarfissaat sammisaq paquminartuuvoq, qaangerneqartariaqartorlu.

Imartap aalisarfiusup titarneranik annertusaanermi sinerissap qanittuani TAC-mi pisassat annertu-sarneqartariaqarput. Tulliullugu aningaasarsiornikkut akileraartarnikkut kajumissaatit atuutilerta-riaqarput, tassami sinerissap qanittuani aalisariutit nutarterneqarnissaat pisariaqartinneqarluin-narmat.

Aalisarnermi kajumissaatit

Sinerissap qanittuani aalisarneq aatsaat piorsarneqarsinnaavoq aalisarnerup akileraartarnikkut, akitsuusiisarnikkut inatsisitigullu kajumissaasersorneqarnerani pitsangorsaasoqarpat.

Sinerissap qanittuani aalisarneq iluaquuserneqarpat, tamanna inuiaqatigiinnut iluaqutaassaaq, taa-matullu ilaqtariinnut ataasiakkaanut, aalisarnermik inuussuteqartunut iluaqutaalluni. Annertune-rusumik aalisarneq ingerlanneqalerpat, tamanna Nunatta Karsianut annertunerusumik isertitaqar-nermik kinguneqartitsissaaq.

Inuussutissarsiutigalugu aalisartut inatsisitigut illersugaanerat

Maannakkumut ajornanngippallaarsimavoq inuussutissarsiortut allat aalisarnermut akulerussinna-nerat. Taamaattumik isertitaqartarnermi toqqammavii killissaat annertusineqartariaqarput, taa-maasilluni, inuussutissarsiutigalugu aalisartutut allagartartaarnissamut, ukiuni siuleriinni marlunni isertitat annikinnerpaamik 75 %-iinik isertitaqarsimanissamik piumasaqaateqalertillugu. Ilanngullu-gu inuussutissarsiutigalugu aalisartutut upternarsaammik tunineqarnissamut piumasaqaatit ersa-rissarnissaat pisariaqartinneqarpoq.

Inuussutissarsiutigalugu aalisartutut upternarsaatip naqissuserneqartarnera najukkami KNAPK-p immikkoortortaqarfia aqqutigalugu pisassaaq, taamaasilluni najukkami aalisartut piniartullu peqa-tigiiffi avoqqaarliinissamut periarfissaqartinneqalerlutik. Periarfissaq tamanna eqquteqqinnejqar-tariaqarpoq.

Assersuutigalugu sulinermik inuussutissarsiuteqartoq ullumikkut nipsat suaannik tunisisinaavoq, taannalu aalisartut isertitaannut pingaaruteqartoq iluanaarutaalluarsinnaasorlu tapertaavoq, aam-malu taamatut pisoqartillugu aalisarneq pillugu inatsimmi aalisartut pisinnaatitaaffiisa illersorne-qarnissaat pillugu aalajangersagaliortoqartariaqarpoq.

Aningaasalersuisoqarnissaanik pisariaqartitsineq aammalu aningaasalesuisinnaasunut periarfissaq
Sinerissap qanittuani aalisarnermi angallatinik aammalu/imaluunniit atortunik pisinermut, aserfal-latsaaliinermut iluarsartuussinermullu aningaasalersuinissamut periarfissat killeqarput. Taamaap-poq aamma qularnaveeqqusiiarnermi. Ilanngullugu aalisakkanik nioqqutissianut qerititsivinnut,

nillataartitsivinnut, panersiivinnut imaluunniit assingusumik toqqorsivinnut imaluunniit nalituungortitsivinnut taarsigassarsisinnaneq pisariaqartinneqarpoq.

Aalisarnerup nutartereqarnissaanut apeqquataalluinnarpoq aningaasalersuinissamut periarfissat, aamma Kalaallit Nunaanni aningaaseriviit pioresentsut sumiiffinni arlalinnik nutaamik pisinermut taarsigassarsitsinissamut periarfissaqartitsinngillat, taamaattumik aalisartut allatut periarfissanik ujaasisariaqarput. KNAPK-p ataani aningaasaateqarfimmik pilersitsinissaq isumaliutigineqarpoq aalisarnermi atortunik pisinermut imaluunniit iluarsartuussinermut aningaasartuutinik matussuseeqataasinnaasumik.

Usingiaasarnermi usilersuisarnermilu atortut kiisalu qaqitsiviit pitsaanerusut

Aalisakkanik tunitsineq aatsaat qulakkeerneqarsinnaavoq nuna tamakkerlugu usingisaasarnermi usilersuisarnermilu atortut pitsaappata. Taamaattumik atugassaritinneqartut pitsasut qulakkeerniarneqartariaqarput, taamaasilluni tunisineq pitsaanerpaaq anguneqarsinnaaqqullugu.

Talittarfeqarnermi, kisartarnermi aammalu/imaluunniit tunitsivinni aalisakkanik usingiaasarnermi usilersuisarnermilu atortut pillugit kiisalu pituffiusinnaasut qaqitsiviillu pitsaanerusut, angallatinik annikinnerusumik iluarsartuussinermut atorneqarsinnaasut assigisaalu, anguniarlugit aalisarneq tamarmi mianerineqartariaqarpoq. Kattuffiit annertuumik aalisarfiusut nunap immikkoortortuisa salliuinneqarnissaat kaammattutigaat.

Aalisarneq nunatta isaatitsiviisa annertunersaraat, taamaattumik aalisarneq inuussutissarsiutiniit allaniit pingarnerutinneqartariaqarpoq. Taamaappoq aamma talittafeqarnikkut umiarsualiveqarnikkullu kiisalu kisarfiit qaqtsisarfiillu eqqarsaatigalugit.

Ataavartumik tunisisarneq

Aalisakkanik tunisisarneq pitsangorneqarsinnaavoq qeritsiviit tungaasigut pitsaanerusumik assartuisalernikkut, ingammik nioqquqtiisanik inerikkanik imaluunniit tunisassiarineqaqqittussanik assartuisarnikkut. Assartuinermi qulakkeerneqartariaqarpoq tunitsiviit aalisakkanik tigooraasinnaanerat. Qeritsiviit ulakkaaraangata killilersuisoqalertarpooq, allatut tunitsiviit matuneqarallarneranik naggataatigut sunniuteqarsinnaallutik.

Aalisakkat assartorneqarnerat peqqissaartumik piareersagassaavoq, taamaasilluni ataavartumik tunitsivineq qulakkeerneqarluni, ingammik sikusartuni qeritsiviit quersuillu piginnaasaat killeqarmata. Ukiuunerani upernaallu aallartinnerani qeritsivinni toqqorsiviit assartorneqarsinnaaneran-nut periarfissat misissorneqartariaqarput, taamaasilluni upernaakkut akunnattoortarneq pinngitsoortinniarlugu. Allatut assartuinissamut periarfissat qulaajerneqartariaqarput, taamaasilluni tunitsisarnerup ajoqusersorneqarnera pinngitsoortillugu.

Aalisarnermi teknologip sapinngisamik nutaajunerpaap atorneqarnissaa

Aalisarnerup pitsaasumik ingerlanissaanut teknologip nutaaliaanerpaap aammalu atortut kiisalu sakkut nutaaliaanersaasa atorneqarnerisigut qulakkeerneqarsinnaavoq, taamaasilluni isertitat pi-suussutinillu atuinermi sapinngisamik pitsaanerpaajunissaat anguniarlugu. Taamaattumik nunatsini aalisarnermi nioqquqtiisornermilu teknologip nutaaliaanersaat atorlugit ingerlatsisoqartariaqarpoq, aamma angallatit atortullu eqqarsaatigalugit.

Ilanngullugu pissutsit ineriertorneranni pisariaqaleraluttuinnarpoq qarasaasiat atorlugit aaqqiisutit atulernissaat pisanik nalunaarsuisarnermi, tunitsinermi il.il. Taamatut ineriertorneq aalisarnermut iluaqutaasussanngorlugu ingerlasariaqarpoq, kisianni taamaassaappat oqartussat aalisarnermik ingerlataqartut teknologimik nutaamik atuinissamut pigiliussinissamullu pitsaanerusumik ilinniartitsisiaqarput. Pitsaanerusumik angusaqarneq tamanut iluaqutaassaaq.

Upernavimmi, Qaanaami, Tasiilami Ittoqqortoormiinilu aalisarnerup piorsarnissaa

Kalaallit Nunaata sineriaa taarmi naatsumik oqaatigalugu aqtsiveqarfingortinnejassaaq, aamma tamanna atuppoq Upernaviup avannaanut, Qaanaamut, Tasiilamut Ittoqqortoormiinullu kiisalu nunatta avannarpiaanut avannaatalu kangianut, taakkulu aalisarnerup piorsaaffigineqarnissaanut pilersaarutinut ilannguneqartariaqarput.

Sumiiffiit aqtsiveqarfiunersut apeqqutaatillugu pisassiisoqartarpooq, aammalu pisuussutinik siunnersuisarnermi sumiiffiit aqtsiveqarfiunersut apeqqutaatinnejartarpooq. Taamaattumik peqassusia qulaaniarlugu immikkut ittumik iliuuseqartoqartariaqarpoq, taamaasilluni nunap immikkoortui taaneqartut aalisarnikkut piorsaaffigineqarsinnaaniassammata.

Aalisakkanik pisuussutit piujuannartitsisumik toqqammaveqarluni atorneqarnerat

Aalisakkanik pisuussutit siunissami aamma atorneqarsinnaanerat qulakkeerneqartariaqarpoq, taamaasilluni kinguariit tullisa aalisakkanik atuisinnaanerat aamma periarfissaqaqqullugu. Marine Stewardship Councilip (MSC) nalunaaqutsiisarnera periutsit ilagaat, tassunakkut atuisartut eqqarsaatigalugit nioqqtissat illorsorneqartarmata.

Piujuaannartitsinermik toqqammaveqarluni pisuussutinik uumassusilinnik atuineq kattuffiit isumagatigaat, taamaattumik nalunaaqutseruisarneq pitsasumik isigineqarpoq, kisianni kattuffiup pisuussutinik suinnersarnerup qanoq ingerlanissaanut sunniuteqaqataanissani kissaatigaa.

Nioqqtissiassat nalituunngortinnejartarnerisa sapinggisamik annertunerpaartaa nunatsinni ingerlanneqartariaqarpoq

Nunatsinni aalisakkanik pisuussutinik atuinermi sapinngisamik annertunerpaamik isertitaqarnissaq qulakkeerneqassappat, nioqqtissiassat nunatsinni annertunersaat tunisassiarineqartariaqarput, tamanna niuerfiit piginnaasallu periarfissaqartippassuk. Suliffissaqartitsiniarnikkut aamma mianerissat qissiminnejartariaqarput, aalisakkanik nioqqtissiat nunatsinni tunisassiarineqartarnerat eqqarsaatigalugu.

Qanoq annertutigisumik nunamut tulaassisussaataaneq nalituunngortitsinerlu ingerlanneqartasanersut soorunami apeqqutaalluinnarpoq nunatsinni suut kivinneqarsinnaanersut. Ilanngullugu aamma ersarissumik piumasaqaateqartoqartariaqarpoq nunatsinni suut nalituunngortinnejarnissaat naatsorsuutigineqarnersoq.

Soraarnerussutisiaqalernissamut ileqqaartarneq sillimmasiisarnerlu

Aalisartut pitsasumik utoqqalinissaminut pisinnaatitaaffeqarput nunatsinni innuttaasut allat assigalugit. Taamaattumik aalisartut soraarnerussutisiaqalernissamut ileqqaartarnerat sukumiinerusumik misissorneqartariaqarpoq, taamaasilluni soraarnerussutisiaqalernissamut ileqqaartarneq

qanoq sunniuteqartarnersoq pillugu ersarissaasoqartariaqarpoq, taamaasilluni soraarnerussutisia-qalernissamut ileqqaartarnerup sunniutai pillugit paasitsiniaasoqartariaqarpoq.

Ilanngullugu sillimmasiisarnermut paasititsiniaanermi suliassaqarpoq, aammalu angallatit, atortut sakkuutillu sillimmaserneqarneranni suut iluaqutaanersut pillugit.

Aalisakkat tamarmik pillugit pisassanik amerliliineq

Nunatta imartaani aalsarneqartut aalisakkat tamarluinnarmik pillugit TAC qaffanneqartariaqarpoq. Tassani nunani tamalaani nunallu sanilerisat isumaqatigiinniarfigineqartarneranni annertuumik suli-assaqarpoq pisassat qaffanneqarsinnaanerannut tunngatillugu, taamaasilluni nunarput annertune-rusumik pisassaqartitaalerluni.

Inussiarnersumik inuulluaqqusilluta



Nikkulaat Jeremiassen
Siulittaasoq